


地 313.139
539
部 = 21



福
安
鄉
土
志

福建省福安縣
文作

燮鈞張夫子鑒定
杏邨江

福安鄉志

受業

張學愷
陳兆文
黃紹楨
林錫棣
廖晉瑛

全校



福安乡土志序

群学之裨於国大矣哉邑有邑群郡有郡群州有州群都有郡群地不同而群一也嗚有羣壯有壯群長有長群幼有幼群人不同而群一也才有才群智有智群愚有愚群頑有頑群類不同而群亦一也然欲联都会之群自群其乡邑始欲萃勇壯之群自群其幼稚始欲成才智之群自群其愚蒙始今世变迫矣環海諸邦各率其紅白纓黑之群与我华抗我华威威之愕之而不知其基於能群也其能群奈何曰彼亦有彼之乡邑也彼亦有彼之幼稚也彼亦有彼之愚蒙也彼群其乡邑而不囿於乡邑故国力達全球群其幼稚而不域於幼稚故民质甚悍強群其愚蒙而不安於愚蒙故艺术尽精巧然則譚天下事者其必曰群乎頌者

朝廷停止科举普兴学堂並頒发例目飭各府厅州县撰乡土志以资蒙学之課誠以有都会必有乡邑有壯長必有幼稚有才智必有愚蒙夫愚蒙之幼稚僻处乡邑使以天下之大語之則必昏昏欲睡奄奄不振而無以成合群之学惟举夫群

居群处之山川群言群語之事物群耳目之所视听群手足之所動作有关於乡邑有益於幼稚雖愚蒙亦可以领会者條分縷析筆於书而授之庶幾便於讲解樂於記誦发其曠聳擴其知識由乡邑之群以埒乎都会之群由幼稚之群以臻諸勇壯之群由愚蒙之群以化為才智之群此即赫胥氏善群進化之談斯與氏合群進业之旨而中国群学知將來可比並泰西也福安雖閩省偏隅而以地域論則亦為乡邑之小以人類論則不无愚魯之童学堂初立風氣方开於此而不先語以乡土之易知者恐課程過躐不能立合群之基終難收合群之效矣昔周孝侯嘗撰風土記顧不敏遵例編輯輯成二卷閱数月之久而藏事方恐不足以及紹家学也又豈足襄

朝廷之群治哉是為敘

光緒三十有一年太岁在旃蒙大荒落長至前二日福安少濂周祖頤序於宸山今是齊之東窗

福安乡土志例言

一恪遵例目分别部居曰历史部政绩兵事耆旧等门隸之曰人類部戶口氏族宗教实业等门隸之曰地理部山水道路等门隸之曰物產部商務门隸之一事业学问乡先辈颇能兼之茲将事业较著者编入事业门学问较長者编入学问门庶不自乱其例

一 是編本以課蒙務求簡核各項皆專舉其大者挂漏之譙知所不免闕者諒焉

一 乡土之事物綦繁一人之见闻有限誠恐舛誤滋多方闡宏達匡之為感
一 例目所有本境所无者則闕之母敢涉於誣也

福安乡土志目錄

卷一

历史部

人类部

卷二

地理部

物产部

福安乡土志

目錄

一

永年印书局刷印

福安乡土志卷一

福安周祖颐少濂编辑



历史部

本境建置之始

宋理宗宝庆元年长溪令范夔以县西北乡去治遼遠難於制馭议析为县择韩
 陽坂為治所不果淳祐四年邑人太学生張过申前议請於朝邑人郑采献詩云
 韩阳風景世間無堪与王维作画圖四面罗山朝虎井一條帶水繞龟湖形如丹
 凤飞啣印勢似蒼龍臥吐珠此處不堪為县治更於何处拜皇都理宗許之明年
 乃析長溪县西北永樂乡六里灵霍乡三里置县治於韩陽坂賜名福安县属福
 州
 未置本境以前
 禹貢揚州之域周為七閩地

福安乡土志

卷一

京华印书局刷印

春秋後为越地

秦為閩中郡地汉高帝时为閩越国治县地元鼎中为会稽南郡地建安初为侯
 官县地蜀漢吳為建安郡東安县地晉太康三年析侯官县温麻地置温麻县属
 晋安郡元康元年属江州今九府南北朝宋泰始四年属晋平郡宋书明帝纪泰始四年以晋安郡为晋平郡至齐陈永定初属閩州隋开皇九年废温麻县入丰县今閩唐武德六年
 以温麻废县置长溪县长溪县始此属泉州後都督王義童自龍首岡移治於連江之
 北改名連江县而长溪县治為宁遠鎮嗣聖十九年復至长溪县而連江自为县
 如故开元十二年改閩州為福州长溪县属之五代属王閩閩亡俱属吳越
 既置本境以後

元至正二十三年升长溪县為州县改属州明洪武二年州復为县並属福州景
 泰六年析县十一都等里置寿宁县成化九年復升福宁为州县改属州 国朝
 雍正十二年始升州為府今属福宁府置知县一员教諭訓导各一员典史巡檢

守備祀总各一員

政績錄

興利門

宋

鄭黼字文甫崇安人淳祐五年新置福安县黼初蒞任經画里居布施政教被其民利受代日士民送之皆流涕不忍舍

林子勳字翼之婺州永康人淳祐八年任居官廉謹時县治經画甫定而公署猶未建子勳踵成之並濬蓮池民被其利焉

元

胡建懷孟人至大間任主簿遷建廟學創薛補闕祠造溪口諸橋有功於邑居官廉謹人無間言

明

福安乡土志

卷一

二

京華印務局刷印

盧仲田字汝田東陽人進士嘉靖三十八年知县時县陷於倭積骸彌野仲田招集人民改筑城濠民便之越明年倭又薄城攜其三子与民固守賊乃遁去後民立生祠祀焉

金汝礪字頤德平湖人進士萬歷二十七年知县寬慈惠朗不尚嚴威擴城東北隅以全形勢加造西门坝城以消水患加意作人增应试之額立賑貧之田凡民所利罔不興之至鞠冤獄得其情殲盜魁冀八諸端猶其余事及去士民立生祠焉

馬良太倉州人举人天啓二年知县修城隍廟預備倉濬鳳井立納戶粟粮無侵冒邑人德之

卢世勳順昌人崇禎元年教諭加憲課士正直不阿復啓一亭培金山頂建興文祠暨櫺星門石柱開泮池路整學宮墻修凌霄塔諸生勒儀門以誌不朽焉
去害門

元
林天賜至正五年知縣時邱守十為盜恣行劫掠瓜菓不啻適歲飢民負米者亦被奪焉天賜至置酒醉宵十誅之民以蘇息
明

胡晨字克興英山人正統末任縣丞時邱茂七倡亂奸民乘間劫掠晨善禦備民咸賴之景泰初歲大飢晨盡借出倉粟賑之同官欲候申請晨曰民死過半矣安能待請乎汲長孺發倉之罪晨獨當之遂開倉賑民民多被活

何喬新號椒邱成化年任建甯道按縣勸水災民有貧而逋糧者里正督之且索私欠民欲自縊里正執以詣道喬新訊而憐之笞里正使代納俟秋成取償民泣謝更生焉有救荒詩

趙璉字宗商成化五年丞時大風傷稼水患繼之歲因以飢璉發倉量給並勸富民出粟民多被活歌之曰有桑足我蠶有田足我農衣食誰與我縣丞趙相公

于震字孔安浙江余姚人舉人正德間知縣嚴重不苟簡易近民慎軍儲抑強暴邑數遭火震為文禱城隍復諭民浚蓮池淤塞潴水以禳西山火曜且備不虞火患以息著有易傳東溪集若干卷

李有朋東陽人舉人嘉靖四十四年知縣性喜詩持己廉約愛民如子省白石司夫役使民蘇息裁長崎益哨令不得為奸官声大振

听訟門

宋

詹崇字德寬崇安人嘉熙中進士為縣尉有陳氏婦死非命崇覆驗見其腹脹得竹刃於隱處賊亦隨獲民稱神明

明

劉順成化年知縣有盜藏金者誣及藏卒順廉知之陰遣人詣盜金者家以水灌地果得金藏卒獲免民頌其明

國朝

周錫齡号松崖貴州貴定人進士道光十六年知縣慈惠明敏勤於民事每徒行田野問民疾苦民望之如父母又嘗懸鉦儀門民有急不得具狀者鳴而訶之立為剖決故燧不啻滯吏不舞文焉有程老人者持葱一束寒菜一根進曰吾儕小民感公德無尺為公壽此以表公清白也去之曰囊橐蕭然至不能做裝士民怀之到今

兵事錄

元

至正間福州路以紅巾池細等為亂侵政和松溪等縣下所部備寇州戶王伯顏募壯士張子元周頭卿袁礼文周德輔等備團練而社兵起考社兵自至正十二年七月始團義兵社是歲大仇外塘人陳長鼻倡眾沿鄉強糴因而行劫穆洋始結社康德甫與蘇鼎一有却欲困德甫德甫使其子康二往通政和紅巾賊黃善

得偽劄數道歸欲以授廉村陳預九預九不從自縊而死縣簿譚屠倫歹樓守百戶花端翊並其党王雷五執之康二就誅八月紅巾黃善入寇義兵黃正隆帥兵救縣且行州吏陳通甫阻之縣兵拒於樓雲渡賊不救濟數賊潛至富村奪民舟順流下以濟其党遂不支九月城陷二卒密赴州言狀州以無文书疑為賊格杀之賊益熾十一月後溪林永泰許陽邦崇凱等寇縣百戶花端翊被杀初九日黃善復屯莒縣中攝縣趙執中主簿譚屠倫歹通十二月太安社兵至追杀賊酋陳六七於穆陽龍首桥还縣大肆侵掠

至正十六年官塘賊傅貴卿等寇邑至白沙水田大掠十八年七月福建行省檄州討傅貴卿八月州同知袁天祿率水兵六十餘艘先至黃崎鎮敗績陸兵深入賊巢焚其柵寨而还十九年二月福建行省參政观音奴討傅貴卿州師敗于官塘七莆安寧社柘洋太安社赴援復敗泉州路治中袁安文陣亡諸社橫甚县尹張師道棄官去二十三年十月廉村社卓仲溪生擒貴卿献太安社賊平

明

嘉靖十三年三月十八日曠寇至萬壽亭下乡民与战死者八人十六年六月六日復至洋頭縱火劫掠時天昏黑致仕教諭李泰督战死之

嘉靖三十八年四月初五日倭陷县城考是時改筑新城猶未完北城塚墙未砌初三日急報至化蛟知县李尚德督民兵守陣時承平日久家無戎器庫無硝磺敗銃朽弩不堪用典史陸鵬以他务出守東城者独令一人教諭程箕同諸生王天爵苜九衢柳廷讓守西城訓導謝君錫同諸生郭公誠郭大乾陳學易守小西門訓導陳豪同諸生吳廷拱吳廷爵詹洪鎬守南城北城以陳氏居近人众使監生陳墳諸生陳國初陳魁梧守禦倭至洋頭結寨初四日攻城矣矢石乱下倭少退脯刻二十余賊於北城覘陣陳氏勇士十余人縋城下掩击之梟二首以归士爭奮初五黎明賊众大举据北城外虎岡及西城龟肩東门外鶴山頂乘高注矢鉄鏃鉛銃雨下諸生郭大科捐金募死士督战郭大乾奋身射賊中炮死至午矢

石俱竭北城塚崩賊遂入俄而龟颈亦破教諭程箕死之謝君錫具衣冠觸廟柱死陳豪得諸生扶以東走脱之李尚德帶印出東城遁夫人陳氏投東河死李後以印存就吏充戍陳墳陳魁梧郭大科等皆遇害詹洪鎬罵不就縛以副死陳國初執至國澤罵賊賊支解之吳廷拱抗罵死於白鶴山下刘元錚死於江乡初九日倭去計男妇死者三千余軀而去者七百余溺水墜崖死者莫計先是怪徵屢見流星如瓜從東南墜西北其徵竟曰識者知为天狼旄頭云

國朝

康熙十年海寇阮春雷侵县夜靜後有數賊潛上小西門城樓杀傳更兵代鳴鈸把总徐登聞鈸声異率率兵往鹿斗街遇賊接战杀賊數十人守備盖世勛集众兵接应賊在城外者遁入城賊歼又过半次日大索城内凡小西門人居廁所及鹿斗街店溝下俱有賊潛匿尽執而誅之

咸丰六年大庄王庆春结党为八卦会抢掠鄰乡謀劫城事发知县張燾擒获十

余名立置法党遂散

右全在本境者

宋

高宗绍兴初建宁范汝为作乱韩世忠討之嘗屯兵於县南七十里黄崎鎮後之雙芦岑

少帝航海入闽嘗集勤王師於邑之百辟芦

右涉及本境者

耆旧錄

事业门

唐

薛令之字君珍号明月先生廉村人神龙二年進士全闽登第自令之始開元中累遷左補闕兼太子侍講时東宮官僚冷落令之以詩自悼曰朝旭上团团照見

福安乡土志

卷一

六

京华印书局刷印

先生盤盤中何所有首蓄長鬃干因謝病归肅宗即位思東宮旧德召之則已卒矣嘉叹其贤救其乡曰廉村水曰廉溪著有明月先生集

宋

陳最字季常廉村人宣和三年進士授新昌丞適杭卒叛最单騎往諭賊相告曰此公忠义慎毋虐之皆解散召对称旨高宗謂大臣曰陳最人物可愛议论亦佳绍兴九年转左從事郎疏說河南之民自金人蹂踐以來习以战斗且復依险筑寨为備禦之計誠當此時因其部分申以府兵之法使自为守民必乐從詔下東京同尚守郭仲荀措置寻因与金畫界高宗命最佐礼部郎郑刚中使川陝金使屢与最争最責之曰而父豈未受本朝大恩哉而何若是蓋金使贺景仁子也卒從所议以力阻秦桧和议故出知兴国軍

王定国字安卿黄崎鎮人高宗時從趙鼎招抚山東張浚尚置宣幕時紅巾据海州遣定国与魏勝收復之就摄判官兼州事改泗州推官隆兴間陳敏知高郵辟

之与金兵九十三战皆捷孝宗悦特创高郵軍簽判以外之旋丁内艰改舒州宰
执列薦召对上谓大臣曰忠义勇略如王定国者真英士也除知高郵軍官终朝
奉大夫先是绍兴中定国叩闕上边宜十策高宗幸金陵復进十五事蓋早有心
於天下事云

刘季裴字少度苏陽人绍兴十八年进士乾道间进十论中一篇論何承矩屯田
规画甚詳孝宗方欲行两淮屯田事大見称赏上殿奏事笏坠碎从容拾之遂奏
言今日之事有不可忍者即如此笏孝宗笑曰卿胆大於身每经筵顾问所对皆
称旨历秘书丞監察御史起居郎兼太子左庶子终朝散郎秘閣修撰著有論孟
周易解頤齋遺稿山川形势論司馬溫公傳

張观字达之绍兴中入太学金人渝盟兵至淮甸观率同舍生七十二人上书请
新汤恩退王之望尹穡竄其党洪适晁公武而用陳康伯胡銓陳良翰三十朋虞
允文等以济大計言甚剴切後举进士终新城令

趙萬年字方叔自衢州遷長溪嵩溪村庆元丙辰武举为襄陽制置司幹辦开禧
二年金人渡江圍襄陽宣帅诸司皆遁萬年力贊招抚使趙淳为死守計以文告
城隍以书反间金帅因勉諭諸司幕属曰善曹名在仕版非由科第则由世赏由
科第者平日所学何事由世赏者久受国恩尤不容苟免自今以居諸公當以死
国为心今見大官属有警号无人色者人臣节操顧如是乎乃請夜出壮士三千
人据峴山以绝金人粮道相拒九十余日金人遁以全城功进武德大夫軍中著
有守城錄裨帷集魏了翁为之序

郑采字載伯号北山穆阳人绍定二年进士授隆兴府推官淳祐元年召试馆职
除秘书省正字奏言天下之坏极矣私意彘弄非一人禍胎醜釀非一日不獨當
国者之罪亦聖心未能无欲而然也理宗称善久之转校书郎再言至曰嘗变之
異以为陛下修身之道未立朝廷布公之实未著三边形势涣散沿江守戍单弱
臣恐三百年金甌之北坏於今日矣除右正言兼侍讲时宰相史嵩之以父丧去

位理宗用嵩之意未已竄奏乞早改命他相絕其覬覦理宗以边事为辞采争论移器方退復劾濮斗南项容孫陳一薦王瓚等十余人皆嵩之党也詔鑄秩罢祠有差中外肃然旋遷待御史上正名器疏擢左諫议大夫端明殿大学士理宗燕间時问及所居因书北山澄庵賜之淳祐五年長溪议分县未决采为詩奏闻理宗題扇賜答议遂定七年復除同签书枢密院事八月以御史陳求魯论罢提举洞霄宮九年除資政殿学士寻卒县令郑黼以其有建邑功立祠祀之南峰下倪文一字元芳倪峤人咸淳四年进士授安仁尉峯竊发单骑諭服之改潮州刘完召致幕下委谏疑獄民得无冤秩满行李萧然陞知清流县元兵南下遂隐居山林嘗作詩曰編萬已种渊明菊苗沼还栽茂叔莲元世祖徵之不起後以寿终

郑虎臣字廷瀚柏柱人为会稽尉德祐元年贾似道有罪安置循州议遣官押之虎臣以其父为贾所配慨然請行至建宁开元寺似道侍妾数人虎臣悉屏之撤其宝玩惟蓋暴行秋日中又使舁者唱杭州歌讥叱之窘辱備至一日入古寺見吴潜南行题壁虎臣曰贾团練吴丞相何以至此似道愁不能对舟次剑津黯淡滩虎臣謂之曰水清何不死此似道曰太后許我以不死有詔即死十月至漳州木绵庵颯令自杀似道不肯虎臣曰吾为天下杀似道虽死何憾遂拘其子与妾於别馆即厠拉杀之後为陳宜中所害籍其家

謝翱字臯羽穆陽人徙居浦城試进士不第落魄漳泉间文天祥開府南劍翱傾軋赴之署諮事参軍天祥死翱隻影行两浙東过姑苏臺禹穴蛟门候潮山悲歌墮淚慷慨淋漓有严子陵臺孤绝千丈时天凉風急翱挾酒以登设天祥主荒亭隅酌酒大恸以竹如意击石作楚歌招之曰魂归来兮何极魂暮返兮关水黑化为朱鳥兮有味焉食歌罢竹石俱碎闻者伤之与浦陽方凤吴思齐友善自号晞髮子至元甲午家武林西湖上肺疾作語其妻曰吾去乡千里交游惟方韶卿吴子善最亲慎收吾文及吾骨授之既卒方吴二子葬之於子陵臺南以詩文殉著

有許劍錄時髮集

元

陳德沂字宗魯上杭人元季兵乱負亲逃难迂賊伤臂賊感其孝舍之明初奉亲还里承欢不衰弟德汉亦以孝闻同祀孝子

明

高頤字应昌水纏人姓至孝亲没庐墓三年洪武初举孝廉上问何为孝对曰臣生事葬祭不敢违礼而已豈足言孝何为廉曰非能廉也唯贫不敢苟耳所读何书曰勉读经书猶媿未明称旨授海盐令

苒顯字恩允吳賢人永禾甲申進士選庶吉士改工科給事中從朱能張輔征交趾賊列象障顯画獅蒙馬翼神銃以破象陣訪伏波銅柱上鐫云銅柱折交趾灭乃陰毀其柱以寒賊胆合西平侯沐晟兵逐賊賊於嘉林江副使王友攻眉盤江未下显单骑諭之首众納款調知峽山連山諸县其知峽山也凡前後十八載以

考滿民赴阙乞留詔仍治峽故其知連山也凡九載劝农兴学教养兼施旋奉委巡視南畿諸倉廩事竣復命因乞归携弟同居分司前人名其街为宾贤及卒曰所遺惟敝衣旧带士論高之

黃劍字珍夫洋頭人嘉靖丁酉舉人授浙江温州府丞任六年倭大举入寇有謂劍宜嬰城可禦賊勿輕出劍曰四郊外皆吾民奈何棄以与賊乎遂引劍出誓師觴众众亦奋劍弯弓发矢中賊賊少退劍將中軍一軍叠石一軍鉄伤为劍後二軍冲迂賊皆棄軍走賊乘胜合击尾劍軍劍背腹皆敌兵力战久之遂溃贼脅劍降劍叱之賊復好謂劍曰大夫予我千金劍慢罵曰生黃大夫不一金值也且而曹庸狗旦暮桀裂死何金为焉不絕口賊遂磔劍以死爭聞世宗震悼贈布政司右参议王世贞志其墓著有墮樵集行世

陳國初字时謹上杭人諸生少有志节鎮山朱公延之会城經館倭乱弛归将母守北门被执不屈賊欲降之叱曰安有儒者而降賊乎遂迁害

郭文周号东山鹿斗人嘉靖甲辰进士授中书舍人擢云南道御史监芦溝桥税
卻例金建御史臺印马南京曰项悬银牌文周至易以木省费巨萬不入私丰庚
戌監軍北伐奏績出按粵東虽廉賈皆据法絕之不少假民呼为鉄面青天及去
行李苜然童叟泣送为立生祠天官李默疏臺臣第一擢顺天府丞以糾趙文华
忤严嵩贬秩归洋見湛若水蘭臺法鑿錄三世贞慕其名嘗叹曰吾恨不得识郭
御史也著有臺中奏议按粵封事观风漫兴东山漫稿行世

李泰字文亨洋颍人龙泉教諭宦归後会矿徒寇邑郊泰率众战於萬寿桥贼大
集战没时嘉靖十六年也事闻代巡李元暘嘉之曰以文臣有折衝之才卫邑之
心殆所謂义士者乎檄知县陳泗礼祭之泰为人刚方好义以身表正乡里人畏
服焉

繆邦棘字良卿穆洋人父疾革乞以身代执丧哀毁循礼事母温清備至与二弟
廷赫式好学使宋公族其孝友又善周急交友规过不倦嘗家被盜有司捕贼追

金反乞宥之愈完龙津莫章极称其事

阮贡三岁而孤家贫事母至孝母病湯药先尝逾月不交睫籛天减已算母寻愈
延年八十母卒居丧朝夕哀恸臥起丧次乌巢其屋者三既葬刻木像事之惟谨
三十年如一日母有遺髮宝之所居延火贡惟奉像与髮以避而已本州判官李
長珍以粟且躬礼焉祀孝子

郭维周性好施岁饥出粟賑贫不问姓名不责其债有陳周二者欲粥妻以偿负
维周代之偿又有卖薪者失银哭於路因以己银与之杯梁道路建造不吝其赴
义若热率类是後以寿终

刘中藻字薦叔号洞山苏陽人初生時室有異光黃髮披穎其父曰芝草虽異不
如菽粟饱食欲棄之母尚乃止幼孤为学以恩贡生入太学崇禎癸酉举顺天乡
试授閩清教諭庚辰登进士官行人奉使犒师遽束缙封代藩復命而閩贼陷京
师中藻被执榜掠備至賊敗南归事唐王黄道周何楷交薦之乃以兵科给事中

宣諭浙東張國維熊汝霖不奉詔还至金华朱大典客之薦其才擢右僉都御史
巡抚金衢团練豫民時称能軍閩敗率众归魯王復福宁长乐进兵部尚书兼東
閩大学士中藻善抚循激劝富人皆出财佐軍士卒乐为用兵称最盛郑彩专政
心弗善也中藻亦不相下遂有隙王使大学士沈宸荃解之彩不听中藻在福宁
彩反掠其地 大兵乘之攻城中藻善守所杀伤四五百人戊子冬十月我軍至
城十里掘濠树柵环之城中求战不得明年四月食尽中藻知必陷遂冠带坐堂
上为文自祭吞金屑死

国朝

郑世源字伯澄母病笃刲胸和药以进病即愈嘗为虎所搏其弟世派奔救而虎
遂逸人謂孝友所致

陳笃庆江人郡諸生母有足疾扶持不离左右族弟某愚而悍故於其父前詬
訛笃庆嫉之輟冠服拜謝族叔叔詰其故曰弟得罪於叔父謹謝罪如是者數某

福安乡土志

卷一

十一

宋牛印书局副印

卒知愧悔乡邻闻而敬服焉

繆洪慎字欽淑穆洋人庠生性慷慨家不中貲而好施与族有女归陳某陳卒貧
唯抚孤洪慎往语之曰尔夫有田鬻於我今請焚券还之俾活孤兒又有胥某者
嘗受耕洪慎田貧甚生子四粥其三矣洪慎闻之亟为輸金贖归且与以所佃田
凡迂欠岁乡里称貸不責償人呼为繆佛云

学问门

宋

楊復字志仁号信齋大岫人师朱子与黄幹刘子渊陳日湖友善真德秀帅閩创
贵德堂於郡学以外之学著称为信齋先生著有祭礼十四卷仪礼图十四帙家
礼杂说附注三卷集注文公家礼十卷大学中庸口义论語问答诗经杂说行世
门人礼部侍郎李俊江西提刑郑逢辰上其书盛宗曰尚有远谋无嫌仕进救正
奏状元

黃幹字尚質陽頭人受業朱子之門余千僦魯寧德李鑑皆從之遊官至直學士
著有誨鑑語五經讲义四书紀聞

國朝乾隆八年奉 文祠祀省城龍山巷今廢

張泳字潛夫以省名齋銳志濂洛之學從遊雲集慶元中禁偽學會大比試天下
之言性論策問偽學泳力排異端悉遵朱子正學有司奇之而不敢錄學者秋墨
莊先生著有墨莊文集祀福州養正書院

姚瀛字子山夙場人隆興元年進士四任教取有賢聲其七歲時已誦班史年十
七立舉居太學即以文名嘗辨太元通潛虛之故著有夙渚集行世

繆烈字允成穆洋人穎敏嗜學上舍省試皆第一登嘉熙二年進士添差福州教
授遷正字授托曹侍郎嘗著春秋讲义十卷仲山集十卷名載文獻通考

明

劉廷灼字國光蘇陽人性穎敏累試冠軍巡按胡雲屏校函獨稱其才督學周少

福安乡土志

卷一

十二

東華印書局刷印

魯刻畧試士廷灼立就周叹曰吾校間得兩奇士竊自多也蓋謂灼與林纘振云
著有三蘇評五經纂要及所試論

國朝

連鍾英字孳嶽順治間歲貢沈潛性理仄華崇實嘗構精舍顏曰拙窩著有書經
尊註詩經說草堂四书說拙窩小草等集行世

陳綽字文裕康熙三十七年拔貢著有周易錄疑若干卷四书錄疑三十九卷乾
隆間進呈

御覽詳見四庫書目提要

吳瑞焉号卓園鹿斗人康熙丙戌進士選內閣中书旋授直隸棗強知县署新河
冀州有政績著有三山存稿塞行日記塞行杂咏湖山且吟且嘖吟棘津隨笔諸
集漳浦蔡文勤公为之序

李馨字少白号蓬航陽頭人幼貧嗜學有儒者風雍正癸卯舉人知四川郫县有